

衆患之難佛於是頌曰

仁當捨其本 亦當捨其末 中間無處所

方度生死源 內無有六入 外裹不得前

放置於六情 乃成無爲疾

黑氏梵志聞佛所說心自念言不見吾我則

了心無心者本無應病與藥鄙心開解如盲

得目聾者得聽真爲普見審一切智今已值

佛德不可訾尋即來下稽首佛足退住一面

佛應心本而分別說顯示道場演三脫門於

時輒住不退轉地無一憂患歎佛功德而說

頌曰

光明踰日月 智慧如大海 大慈無極哀

十方悉欣戴 衆生流三界 無數億萬載

應病授法藥 宣暢大辯才 雖現入生死

周旋無往來 勸化令精進 罪福無能代

努力勤精進 勿爲欲所災 降表四魔除

道成無罣礙

梵志白佛我迷已來其日久矣願見垂愍得

六

命

爲沙門佛即聽之頭髮自墮袈裟著身威儀

齊整成爲寂志往詣閻王而謂之曰卿本謂

我餘命七日當墮地獄今爲沙門神通具已

諸漏已盡度於四瀆衆病永除猶大圍屋一

時增壽七七日諸苦已消超外異術自在住

世更無數劫閻王荅曰仁賴餘福得遇佛時

應病授法滅媯怒癡神通悉備內外無疑設

不爾者如鼠遭狸如稻得災爲罪所牽如魚

鈎餌墮地獄中無有出期今已永脫相代歡

喜說是語時無央數人皆發道意佛說如是

比丘菩薩黑氏梵志天龍鬼神阿須倫世間

人莫不悅豫作禮而去

黑氏梵志經一卷

無九

阿鳩留經

後漢失譯

聞如是一時佛在舍衛國祇樹給孤獨園佛

告諸比丘言昔者有賈客名阿鳩留居處甚

富金銀珍寶奴婢衆多阿鳩留不信有後世

生作善不得善作惡不得惡阿鳩留言人死後身地外地身水外水身火外火身風外風身皆共和合人死後終不復生也人所作善惡心所念口所言身所行皆當棄捐後不復生時阿鳩留持財貨數千萬與賈客五百人俱行阿鳩留最尊豪相隨行賈客當經劇道

無九

七

俞

無水草處所持糧食水草皆以盡行一日二日不見水草行三日四日不見水草賈客皆恐怖言今我皆悉當於此荒澤中餓死耶各自啼哭呼父母妻子阿鳩留遣騎四布行求水草阿鳩留自行遙見一樹樹葉青青果蔕繁熾自念此樹下猶當有水便前趣樹見一

男子端正無比遙見阿鳩留騎馬來前迎趣之言多賀來到在所求索阿鳩留見樹下人答之即大喜如得更生樹下人言從何所來欲所之到阿鳩留言索救我命及五百人畜生命樹下人言欲何求索言我欲得水樹下人便舉右手水從五指端出如流泉甚香味

語阿鳩留言自極飲飲已後從索飯樹下人便舉右手美食從指端出阿鳩留得飽食已便舉聲大啼哭樹下人因問仁者啼哭爲阿鳩留言我等伴五百人及畜生從三四日以來皆不得飲食飢餓甚極命在須臾是故我啼哭耳樹下人語阿鳩留若行將五百人及

畜生來我悉爲若飽之阿鳩留即馳行呼伴人語之言勿復憂也以得飲食處隨我去來伴人大喜便隨去到樹下皆叉手爲樹下人作禮樹下人問言欲何所得人皆答言大飢渴樹下人即復舉右手五指端即復大水出水如流泉人馬畜生皆飲復從索飯樹下人復舉右手五指端出名美食與之五百人及畜生皆飽滿樹下人因問五百人等卿皆欲至到何等求索賈人言我皆欲到大海求索珍寶樹下人因問卿皆欲索珍寶者便可從我手中出樹下人便舉右手從五指端出金銀水精瑠璃珊瑚琥珀白珠人便斂取取

各自重如去樹下人語阿鳩留持此金銀歸  
 鄉里用布施貧窮者欲得飯者飯之欲得金  
 銀錢財衣被者極與之令道人皆祝願我令  
 我得其福令我手中出琦物又多使我早脫  
 此荒澤中阿鳩留聞此語大驚怖便以頭面  
 著地問仁者為何等人乎是天耶龍耶鬼神

無九

八

命

耶是人耶樹下人言我亦非天亦非龍亦非  
 鬼亦非人我是豪薛荔也我前世時於國中  
 大貧窮常在城門下坐雖貧窮心淨潔愛樂  
 沙門道人我貧窮不能施人見他人布施代  
 其喜時迦葉佛般泥洹去諸比丘來從我乞  
 食我應比丘言我無所有但遙指示城中

某家善可得飯某家不善不可得飯比丘乞  
 來出我見有所得即歡喜又迦葉佛般泥洹  
 去其國王名為基立為迦葉佛起七寶塔我  
 輒持手著其上言令我得其福王上好物於  
 佛塔我輒持手著之言使我得其福但用貧  
 故未曾齋飯食無時又飲酒是故死後以作

豪薛荔耳但用我前世見人作善代其歡喜  
 手著其物上是故令我五指端在所出但用  
 生時未曾齋故使我作是間薛荔阿鳩留自  
 念言我前不信有後世生作善不得善作惡  
 不得惡今我眼見是為審有後世復生審有  
 作善得善作惡得惡從今日以去歸鄉里快

當作善布施與人恣所求索人有欲得金銀  
 珠寶飲食衣被者皆與之不逆人也阿鳩留  
 歸到鄉里語一國中人誰有欲得金銀珠寶  
 衣被飲食者恣所求索皆來取之如是布施  
 無央數日日飯八萬四千道人但潘汁流出  
 門人用擲船而行阿鳩留作善極意死後便

無九

九

命

上第二忉利天上作天人去離天帝坐四百  
 八十里其國中有乞食女人名曰娑以善心  
 持一杆米粥與沙門摩訶迦葉女人死後亦  
 生忉利天上作天人在天帝釋邊第三坐復  
 勝餘天五事何謂五事一者長壽二者端正  
 三者安樂四者智慧五者威神勝於餘天後

佛母忽故生忉利天時佛天上為母說經說  
經已佛母及諸天無鞅數皆得須陀洹道佛  
因見阿鳩留布施與人遠在天帝釋邊四百  
八十里坐復見乞白女人持米粥與沙門摩  
訶迦葉在天帝釋邊第三座又勝餘天五事  
佛見悉皆識知即遙呼阿鳩留言布施善人  
來相見阿鳩留即來前持頭面著地為佛作  
禮白佛言我布施大衆多但得九人耳不得  
須陀洹斯陀含阿那含阿羅漢辟支佛佛道  
也今見乞白女人持米粥與沙門摩訶迦葉  
今在天帝釋邊第三座又勝餘天五事人持  
小物與摩訶迦葉得福乃爾是故身自致豪  
貴如此天便為佛作禮而去

阿鳩留經一卷  
佛為阿支羅迦葉自化作苦經

失譯

如是我聞一時佛住王舍城耆闍崛山爾時  
世尊晨朝著衣持鉢出耆闍崛山入王舍城

乞食時有阿支羅迦葉為營小事出王舍城  
向耆闍崛山遙見世尊見已詣佛所白佛言  
瞿曇欲有所問寧有閑暇見答與不佛告迦  
葉今非論時我今入城乞食來還則是其時  
當為汝說第二亦如是說第三復問瞿曇何  
為我作留難瞿曇云何有異我今欲有所問

為我解說佛告阿支羅迦葉隨汝所問阿支  
羅迦葉白佛言云何瞿曇苦自作耶佛告迦  
葉苦自作者此是無記迦葉復問云何瞿曇  
苦他作耶佛告迦葉苦他作者此亦無記迦  
葉復問苦自他作耶佛告迦葉苦自他作此  
亦無記迦葉復問云何瞿曇苦非自非他無  
因作耶佛告迦葉苦非自非他無因作者此  
亦無記迦葉復問瞿曇所問苦自作耶答言  
無記他作耶自他作耶非自非他無因作耶  
答言無記今無此苦耶佛告迦葉非無此苦  
然有此苦迦葉白佛言善哉瞿曇說有此苦  
為我說法令我知苦見苦佛告迦葉若受即

無九

十

會